



UNIVERSITÄTS-
BIBLIOTHEK
PADERBORN

Universitätsbibliothek Paderborn

**R. D. Magistri Petri Lombardi Novariensis Episcopi
Parisiensis. Sententiarvm Libri IV. quibus vniuersæ
Theologiæ summa continetur**

Petrus <Lombardus>

Mogvntiæ, 1632

De carnis delectatione, quæ peccatum sit vel non. H

urn:nbn:de:hbz:466:1-38829

biti fides, hoc est opus nuptiarum, & ab omni peccato defendit Apost. dicens. Non peccat virgo si nupserit. Cum ergo culpabilis non sit generandi intentione concubitus, qui propriè nuptijs imputandus est: quid secundam veniã concedit Apost. nisi quod coniuges debitum carnis exposcunt, nõ propaginis voluntate, sed libidinis voluptate? quæ tñ voluptas nõ propter nuptias cadit in culpam, sed propter nuptias accipit veniam. Immoderata ergo progressio secundum veniã conceditur. Quocirca & hinc laudabiles sunt nuptiæ: quia etiam illud, & non pertinet ad se, ignosci faciunt propter se. Non n. iste concubitus, quo servitur concupiscentiæ, agitur, vt impleatur foetus, quæ postulant nuptiæ. Omnino ergo in genere suæ nuptiæ bonæ sunt: quia fidẽ thori servant, & prolis suscipiendæ causa vtrunq; sexum commiscerent, & impietate separationis horrerent. Sanctitati etiã coniugij nec coniunx infidelis obesse potest, sed potius fidelis pdest infideli, vt Apost. docet. Ex his ostenditur, & coniuges, qui causa prolis tantum cõveniunt, vel qui exigentibus debitum reddunt, defendit à peccato sanctitas coniugij, bonumq; nuptiale. Si n. absque peccato non posset fieri concubitus coniugalis, non præcepisset Dominus post diluuium eos copulari, dicens: Crescite & multiplicamini: cum iam sine carnali concupiscentia non possint commiseri.

Quod non omnis delectatio carnis peccatum est. H

Sed forte aliquis dicet, omnem carnis concupiscentiam & delectationẽ, quæ est in coitu, malam esse & peccatũ: quia ex peccato est & inordinata. Et nos dicimus illã concupiscentiam semper malũ esse, quia foeda est, & pœna peccati: sed hõ semper peccatum est. Sepẽ n. delectatur vir sanctus secundum carnẽ in aliqua re, vt requiescẽdo post labore, edendo post esuriem: nec tñ talis delectatio est peccatum, nisi sit immoderata. Sic & delectatio

1. Cor. 7. e
Aug. ca. 14.
de nupt. &
conc. 1. t. 7.

Aug. cap. 16.
lib. 3. contra
Iulianum
haeretic. 1. 7.

1. Cor. 7. b

Gen. 9. e

*Greg. ca. 10.
ad interro-
gationes.
Augustini
Cantuarien.*

quæ fit in coitu coniugali, cui affunt illa tria bona, à peccato defenditur. Videtur tamen B. Greg. aliter sentire, scil. quod sine peccato non possit fieri carnalis commixtio, dicens: Vir cum propria coniuge dormiēs, nisi lotus aqua ecclesiam intrare nõ debet. Quãuis diuersæ hominum nationes de hac re diuersa sentiunt, & alia custodire videãtur: Romanorum tamẽ semper ab antiquiorib. vsus fuit, post admixtionẽ propriæ coniugis, & lauacri purificationem quærere, & ab ingressu Ecclesiæ paululum temperare. Nec hoc dicentes culpam deputamus esse cõiugium: sed quia ipsa licita admixtio coniugis sine voluptate carnis fieri non potest, & sacri loci ingressu est abstinendum: quia voluptas ipsa sine culpa nulla enus esse potest.

Determinat auctoritatem.

*Gregorius.
Ibid paulõ
inferius.*

Hoc a. ne prædictis obuiet, intelligendum est in illis, qui non gratia prolis conueniunt, quorum voluptas non est sine peccato. Et vix aliqui reperiri possunt adhuc amplexus carnales experiētes, qui non interdum cõueniant præter intentionem procreandæ prolis. Hoc a. quot ens sit, ab ingressu Ecclesiæ abstinendum est. Et quod ita intelligendum sit, Greg. consequenter ostendit. Si quis vero ita sua coniuge, non cupidine voluptatis raptus, sed tantum creandorum liberorum gratia, utitur, iste profecto, siue de ingressu Ecclesiæ, siue de sumendo corporis dominici mysterio, suo est iudicio relinquendus: quia prohiberi à nobis non debet accipere, qui in igne positus nescit ardere. Cum vero non amor procreandæ sobolis, sed voluptas dominatur in opere cõmixtionis, habeant coniuges etiam de commixtione sua, quod defleant. Tunc autem vir, qui post admixtionem cõiugis lotus aqua fuerit, etiam sacram communionem valeat accipere, cum ei secundum præfinitam sententiam Ecclesiam licuerit intrare.